

Prodierunt HUGONIS de S. Victore, canonici regularis Lateranensis, tum pietate, tum doctrina insignis; *opera omnia* tribus tomis digesta. Studio & industria Donni Thomæ Garzonii de Bagnacaballo postillis, Annotatiunculis, Scholiis, ac vita auctoris expolita, & nunc primum in Germania correctius & ornatius in lucem edita. Moguntia sumptibus Antonii Hierat, Bibliopolæ Coloniensis, excudebat Ioannes Volmari Anno MDCXVI. f.

De scriptis eius sigillatim videantur ALBERICUS, Ioh. TRITHEMIUS, GV. CAVEUS. (u)

### HERMANNVS DE SCHILDIS

Alter, Saxo genere, Theologiæ Doctor dignitate.

De conventu Ossenburgensium ordinis Fratrum Eremitarum Augustini. Magister sive sacrae Theologiæ Doctor (x) Doctor primus Westphalicus habetur a SCHIPHOVERO. (y)

Decessit A. MCCCLI. in pestilentia illa magna, quæ in Chronicis modernis nominatur prima.

Scriptit super primum sententiarum commentum dignissimum. De materia canticorum volumen unum. Super cantica canticorum magistralem expositionem. Expositionem duplicem dominicæ orationis. Expositionem devotissimam super Ave Maria. Breveiloquium de expositione Missæ. Manuale sacerdotum perpulcrum. De quatuor sensibus sacrae scripturæ compendium. Hexameron duplex. De vitiis capitalibus librum unum. Claustrum animæ librum unum. De conceptione immaculata virginis tractatum pulcerimum contra stolidam & amaram opinionem Jacobitarum. De modo studendi librum unum. Introductorium juris. Collationes prædicabiles per anni circulum. Super librum Rhetoricorum commentum divinisimum. De quinque sensibus tractatum unum. De vera & falsa amicitia librum unum. De compensatione orationum Dominicarum cum orationibus canonicis librum unum. Super Genesin Postillam. Contra errores flagellatorum tractatum. Contra Magistrum Conradum de comparatione Missæ tractatum. Sermones præterea multos ad populum edidit: sed & multæ extant quæstiones. De mansionibus librum unum. Scriptit insuper X. præcepta. (z) B THO.

(u) Hist. Liter. Script. Eccles. p. m. 565.

(x) v. JOHANNIS SCHIPHOVERI CHRONICON ARCHICOMITUM OLDENBURGENSIUM IN HENR. MERBOMII SCRIPTOR. rer. German. T. II. p. 158.

(y) l. c. p. 159; (z) v. SCHIPHOVERVS p. 154.